

中國方志叢書·華南地方·第一六二號

據

清·俞炳榮，趙鈞謨等纂
清道光二十八年刊本


影印

廣東省

遂溪縣志

sk124/10

成文出版社有限公司印行



10101603

中國方志叢書·華南地方·第一六二號

據

清·俞炳榮，趙鈞謨等纂
清道光二十八年刊本

影印

廣東省

遂溪縣志

(二)



藏書

113000

成文出版社有限公司印行

skp24/10



10101604

中國方志叢書·華南地方·第一六二號

據


清·俞炳榮，趙鈞謨等纂
清道光二十八年刊本

影印

廣東省

遂溪縣志

(三)



sk/24/10

成文出版社有限公司印行



中華民國六十三年六月壹一版

遂溪縣志

全三冊

發行人：黃

成

助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

遂溪縣志序

郡邑有志其義法與史志同

國朝章氏學誠校讐通義中論

之為最詳阮文達公廣東通志

體例為至備且善蓋沿革形勝

政治風俗及一邑之掌故地方

利弊之所倚伏皆於是乎致之
固非淺學眇聞之士所能語此
也崇德以光緒十九年冬下車
斯邑求訪縣志弗獲致鏡末由
為太息者久之會西海刼盜疊
起間閭患苦乃設方畧置偵捕

擒獲劇盜數十名悉置諸法凡
勞績勞頓者數閱月邑民始稍
安事暇適至吏舍稽閱檔冊於
高閣塵牘中見縣志版片具在
惟剝蝕殘闕不少竊怪其湮廢
莫問從來無究意於此者為可

歎也遂排比而整齊之循覽首
尾則敘次疏陋全無義例第猶
具崖畧亦不得不姑存之以俟
修訂爰攷郡志及假鈔邑人藏
本捐庫鳩工補其闕壞雖未暇
有再區區但使數十年廢棄之

園籍俾得復還舊觀焉耳崇德
竊更有感者夫三代以前制民
常產養生既贍斯風俗日美自
後世地廣齒眾勢難踵復古制
由是太平日久孳生繁多財絀
民困而寇患亦因以萌蘖是故

一治一亂循環迭更聖人知其
然也論保庶之法必推本於富
教而又以生眾為疾為生財之
道此固歷千萬世而其義不變
者遂邑民俗惰窳平居多荒嬉
自廢不事生業計無復之即要

約魁桀強掠鄉野否則爭尺寸
之利構訟不休雖骨肉有所不
計嗟乎俗尚之做惡如是豈知
天地有自然之利士農工商各
有治生之業若相習遊惰何怪
風俗日下終無以塞姦盜之源

我崇德奉職無狀未能補救萬
一然耿耿寸心願吾民力矯積
習地土荒曠則講求樹藝水利
之法物產窳薄則討究製造懋
遷之方日加擴充不難即厄羸
而豐碩之而為士者更守顧氏

炎武行已有恥博學於文之戒
於是民豐俗茂文物彬雅呂無
貽守土者蓋此即聖人富之教
之生之者眾為之者疾之旨也
安得以民貧土瘠之區為不足
治也耶歷來方志每多陳陳因

襲紀疆域則不知測繪準望與
夫山川之險要徑塗之交錯也
紀風俗則不知民情之向背治
法之所宜也而敘傳人物私濫
益繁否則瑣瑳文字力求簡潔
拘於方幅而不敢騁後人覽其

書迄不能犁然於心目之間是
二者非胥吏之簿牘即文士之
篇翰耳皆無當於方志也他日
有作者起當取
國朝諸老所推論者參攷之而
折衷於章氏阮氏庶可無背於

義法此則尤望英絕領袖之彥
有以維持於其間矣補刻既畢
特識其大畧於簡首以諭來者
固不敢徒求工於字句間也
光緒二十一年六月同知銜知
縣事儀徵嚴崇德序

續修遂溪縣志序

邑乘者吏治所必資也古
人不下堂階而地域廣輪
人民物產悉周知其利害
豈臆度哉皆按圖籍而得